

Kōrero Mātauranga:

Tuhinga matapakinga - He Kōwhiringa Anō, He Reo Anō: Te whiriwhiri anō i ngā pōtitanga poari kura

Kōrero whakataki

Kia ora, ā, nau mai ki te whakamāramatanga o ngā huringa e korongatia ana ki Ngā Waeture o ngā pōtitanga poari kura. Ka āwhina tēnei tuhinga i a koe kia mārama ki tā mātau kaupapa e marohitia ana me te tono i ō whakaaro.

He wāhanga nui tō ngā poari o ngā kura i roto i te paetae mātauranga me te oranga o ngā ākonga. Ka pōhitia e ngā mātua, me ngā ākonga kei te tau 9, i runga ake ō rātau māngai ki te poari o tō rātau kura.

I tēnei wā, ko te nuinga o ngā pōtitanga poari kura kei te whakamahi i te pūnaha mēra me ngā puka pepa. Engari kei te mōhio tātau kāore te pūnaha onāianei i te tino pai mō te katoa, nō reira kei te whakamana mātau kia taea ngā pōtitanga tāhiko.

Ka taea e ngā kura te kōwhiri mēnā ka whakahaerehia ā rātau pōtitanga mā te tukanga pepa, mā tētahi tukanga tāhiko rānei. E tūmanako ana mātau ka whiriwhiria e rātau ngā tūmomo āhuatanga ina whakatau ana i tēnei, ā, ko tēhea te tukanga e hiahia ngā mātua, kaimahi me ngā ākonga ki te whakamahi. Ka whakarato tonu ngā kura ka kōwhiri i tētahi tukanga tāhiko i tētahi tikanga ā-pepa mā ngā kaipōti kāore e taea, kāore rānei e pōti tāhiko.

He aha ngā pōtitanga tāhiko?

He rerekē ngā tūmomo pōtitanga tāhiko kei reira, ā, ka whakamahia mō ngā momo pōtitanga rerekē, tae atu ki ētahi pōtitanga a ngā iwi me ētahi pōtitanga rangatōpū. E tūmanako ana mātau ko te āhuatanga matua ka whakahaerehia ngā pōtitanga poari tāhiko ko te whakamahi i te ipurangi me te urunga whaiaro, kia taea ai e ngā kaipōti te whakauru mai mā tā rātau waea, rorohiko rānei.

I hangaia Ngā Waeture kia taea ai ngā pōtitanga tāhiko kia haumaru, kia nawenawe, kia wātea ki te katoa, kia taea te whakatūturu. Otirā, e whai ana ki te whakarite kāore e pā mai ngā mahinga kino (pērā i te mūrere), ngā hauata rānei (pērā i te whakaatu i pōti koe mō wai). Nā tēnei, kāore e whakaaetia ngā pūhara pērā i a SurveyMonkey, mō te pōti i ngā mātua me ngā kaimahi.

He aha te take e mahi ana mātau i tēnei?

I rongo mātau kei te hiahia ngā kaipōti, ngā kura me ngā āpiha whakahaere pōti me te tūmanako ka whiwhi i ngā pōtitanga tāhiko. Kei te mōhio anō mātau kei te whakahaerehia e ētahi kura tētahi wāhanga, te katoa rānei mā ngā pōtitanga tāhiko. Ka taea te koe te whakauru ki ngā pōtitanga tāhiko i roto i ngā reo e whakamahia ana i tēnei wā mō te pōti ā-pepa – Te Reo Māori, Reo Haina Māmā, Hāmoa, Tonga me te Ingarihi. Ka taea ētahi atu reo anō te whakarite mēnā e hiahia ana.

Hei te Hepetema 2022 ngā pōtitanga poari whai ake. Kei te mahi mātau kia taea ai te pōtitanga tāhiko mō ngā pōtitanga.

He aha ngā huringa ki Ngā Waeture?

Kei roto i te Education (Board Election) Regulations 2000 he pēhea te whakahaere i ngā pōtitanga kura. He āhua uaua Ngā Waeture nei engari he whakamārama noa iho he aha ngā mea me oti i roto i ngā pōtitanga.

E kī ana ngā waeture i tēnei wā me tutuki ngā pōtitanga mā te whakamahi i ngā tukanga pepa. Kei te huria e mātau tēnei kia āhei ai te whakahaere pōtitanga tāhiko, me te tāpiri i ētahi whakaritenga hei whakarite he haumaru ngā pōtitanga tāhiko, ā, kei te tika te whakahaere.

Kei te whakaurua mai anō ētahi atu huringa ki ngā waeture kia ngāwari ake ai te haere o ngā pōtitanga.

Ngā huringa nui e marohitia ana

Huringa nui:

E whakatakoto ana Ngā Waeture i ngā paerewa hangarau, tukanga hoki hei whakarite he haumaru, he nawenawe, ā, ka taea te āta tirotiro.

Ka whakamōhio atu ēnei paerewa ki ngā kura me ngā kaiwhakahoki pōti me aha rātau mō te whakahaere pōtitanga tāhiko.

He aha ai:

He wāhanga hira ngā pōtitanga nō te tukanga manapori i Aotearoa. E hiahiatia ana ēnei paerewa kia tika ai te whakahaere i ngā pōtitanga tāhiko. Ko ngā pōtitanga me:

- haumaru,
- nawenawe,
- muna,
- ka taea te ūtita (ka taea te tirotiro), ā,
- ka taea te whakatūturu (te whakaū kei te tika).

Ka whakatauhia ēnei paerewa hei whakarite kei te ū ngā pōtitanga ki ngā tūmanako o ngā kaipōti, ngā kura me te Tāhuhu mō ngā pōtitanga tāhiko.

Me pēhea te tirotiro i tēnei i roto i ngā waeture:

Kei roto i te Wāhanga 13 ko ngā paerewa hangarau me te tukanga.

Pātai:

Kei te whakaae koe kei te tika ēnei paerewa hangarau me te tukanga mō ngā pōtitanga tāhiko? He paerewa anō kei reira ka huria, ka tāpirihia rānei e koe?

Huringa nui:

Ka whakatūria e Ngā Waeture tētahi kaupapa whakamanatanga hei whakamana i ngā kaiwhakarato i ngā pōtitanga tāhiko. Ko tā te kaupapa whakamanatanga he tuku whakamana. I raro i tēnei kaupapa, ka āta tirotiro te Tāhuhi i ngā kaiwhakarato pea mēnā ka taea te whakarato ngā ratonga haumaru me te wātea ki te katoa.

He aha ai:

Mā te whakamana i ngā kaiwhakarato ka taea e Te Tāhuhi o te Mātauranga te tātari i ngā kaiwhakarato me te whakaatu ko ēhea ngā kaiwhakarato kei te ū ki ngā paerewa hangarau me te tukanga. Ko te koronga o tēnei he āwhina i ngā kura mā te whakatutuki i ngā tirotiro, kia kore ai rātau e whakapau wā me te moni ki te tirotiro i ēnei.

Me pēhea te tirotiro i tēnei i roto i ngā waeture:

Kei roto i te Wāhanga 9 ko ngā mana o te Tāhuhi hei whakatū i tētahi kaupapa whakamanatanga.

Ka whakaputaina ngā taipitopito o te kaupapa whakamanatanga ki te paetukutuku a te Tāhuhi. *Pātai:*

He aha ngā mea me whakaaroaro e te kaupapa whakamanatanga ina tuku whakamanatanga ki ngā kaiwhakarato o ngā pōtitanga tāhiko? Kei te kite raruraru koe mō te here i ngā kaiwhakarato whaimana hei āwhina ki te whakahaere i ngā pōtitanga tāhiko?

Huringa nui:

Hei tā Ngā Waeture ko ngā kaiwhakarato whaimana anake ka āhei ki te whakarato i ngā ratonga tāhiko mō ngā pōtitanga mātua me ngā kaimahi engari ehara i te mea ka whakamahia mō te pōti i ngā ākonga.

He aha ai:

He mea nui te whakarite kia whai kaiwhakarato whaimana mō ngā pōtitanga mātua hei whakarite kei te ū ki ēnei paerewa. He maha ngā kura kāore pea e taea te whakatutuki ēnei paerewa e rātau anō, nō reira ka taea e tētahi kaiwhakarato whaimana te tuku āwhina hei whakahaere i ā rātau pōtitanga.

Ka taea e ngā kaiwhakarato te uru hei āpiha whakahaere pōti mō te pōtitanga, arā ka whakahaerehia e rātau te tukanga pōtitanga whānui mō te kura, te whakarato rānei i ngā ratonga tāhiko ki tētahi kaiwhakahoki pōti i kōwhiria e te kura.

He rerekē te whakahaere i ngā pōtitanga ākonga ki ngā pōtitanga mātua, ā, he taumaha rawa pea mō ngā kura te whakarite kia whai kaiwhakarato whaimana rātau. Ka āhei ngā kura ki te whakamahi i tētahi kaiwhakarato whaimana mō ngā pōtitanga ākonga, engari ehara i te mea me whai rātau i tēnei.

E hāngai ana ngā pōtitanga kaimahi ki ngā pōtitanga mātua i roto i ngā pōtitanga i ia toru tau, nō reira ka tika kia ōrite te whakaritenga mō ngā pōtitanga kaimahi, mātua hoki.

Me pēhea te tirotiro i tēnei i roto i ngā waeture:

Kei roto i te Wāhanga 8(1) e kī ana e hāngai anake te whakaritenga kia whakamahia te kaiwhakarato whaimana ki ngā pōtitanga mātua, kaimahi hoki

Pātai:

Kei te kite raruraru koe mō te āhua o te takoto o tēnei whakaritenga i roto i Ngā Waeture?

Huringa nui:

E herea ana e Ngā Waeture kia wātea mai he pepa pōti mā ngā kaipōti, otirā i roto i ngā pōtitanga tāhiko.

He aha ai:

He mea nui tēnei hei whakarite ka āhei ngā tāngata katoa e hiahia ana ki te pōti ki te whakauru mai ki te pōtitanga. Ko ngā kura ka kōwhiri i ngā pōtitanga tāhiko he kaipōti ā rātau kāore e taea, kāore rānei e hiahia ki te whakauru tāhiko mai.

Hei mea nui te pōti a ia kaipōti nō reira e hiahia ana mātau tino wātea, kia tino tuwhera ngā pōtitanga ki tērā e taea ana.

He mea nui kia maumahara kei ngā kura te tikanga kia whakamahi tonu i ngā pōtitanga pepa.

Me pēhea te tirotiro i tēnei i roto i ngā waeture:

Kei roto i te Wāhanga 6(2) e whakatau ana me mātua wātea ngā tikanga ā-pepa.

Pātai:

Kei te kite raruraru koe mō te āhua o te takoto o tēnei whakaritenga i roto i Ngā Waeture?

Huringa nui:

E ai ki Ngā Waeture ka āhei ki te tatau i ngā pōti i tētahi pōtitanga tāhiko kia tutuki me te kore kaitirotiro.

He aha ai:

Kei reira tētahi huringa iti e whakarite ana kāore e mate te whai tangata hei kaimātakitaki mō ngā pōtitanga tāhiko. I tēnei, me mātua whai wāhi atu ngā kaitirotiro hei mātakitaki i ngā tatau i te pōti. I raro i tētahi pōtitanga tāhiko, kāore pea e taea tēnei, he kore kiko rānei i te mea ka oti wawe tonu i tētahi rorohiko. Engari, ka taea e ngā kaitirotiro tā rātau ake tatau i ngā pōtitanga tāhiko wehe kē hei whakarite kei te tika te tatau.

Me pēhea te tirotiro i tēnei i roto i ngā waeture:

Kei roto i te Wāhanga 27 ko ngā wāhi e pā ana ki ngā kaitirotiro.

Pātai:

He kōrero āu e pā ana ki ngā whakaritenga tirotiro mō ngā pōtitanga tāhiko?

Huringa nui:

Kua whakakorehia e Ngā Waeture te wātaka pōtitanga roa (83 rā) hei kōwhiringa mō ngā pōtitanga poari.

He aha ai:

I whakaurua mai te wātaka pōtitanga roa kia whai wā atu anō ngā kura ki te whakahaere pōtitanga mēra, mēnā e hiahiatia ana, nā ngā huringa ki te ratonga mēra.

E rua anake ngā kura kei te whakamahi i te wātaka roa, ā, kua kī kē mai tētahi kura kei te hiahia rātau ki te whakamahi i te wātaka poto (63 rā) i te mea he roa rawa te wātaka roa.

I te mea he rawa, ā, kāore i te hiahiatia, kei te whakakorehia e mātau.

Me pēhea te tirotiro i tēnei i roto i ngā waeture:

Kua kore te wātaka roa i roto i ngā waeture

Huringa nui:

Ka whakatika Ngā Waehere i te wātaka pōtitanga poto mā te whakapoto i te wā kōhari mā te rua rā kia whai wā ai ngā kaiwhakahaere pōti kia reri ai mō te pōti.

He aha ai:

I roto i ngā whakawhitihiti kōrero, i rongo mātau ko te wā e pokea ana ngā kaiwhakahaere pōti ko te wā i waenga i ngā kōharitanga me te pōti, me whakarite rātau i ngā pepa pōti me te tuku atu.

He roa te wā, he nui ngā mahi e oti ai tēnei i roto i ētahi rā torutoru nei, otirā mēnā neke atu i te kotahi ngā pōtitanga e whakahaerehia ana e rātau.

E rua atu anō ngā rā kei te tukuna ki ngā kaiwhakahoki pōti mō tēnei tukanga mā te whakapoto i te wā kōhari. Ki ō mātau whakaaro kei te nui tonu te wā o te wā kōhari poto ake hei whakahaere i te tukanga kōharitanga.

Me pēhea te tirotiro i tēnei i roto i ngā waeture:

Kei roto i te Wāhanga Schedule 2 ko te wātaka mō te pōtitanga poto ake. Kua whakaingoatia anō te wātaka poto ake ko te wātaka o ngā mātua me ngā kaimahi i te mea kua kore e tika tēnei whakaahuatanga nā ngā huringa ki te wātaka e marohitia ana.

Pātai:

Kei te whakaae koe he roa tonu te wā kōhari?

He huringa anō kei reira ki ōu whakaaro me oti mō te wātaka?

Huringa nui:

Ka whakauru mai Ngā Waeture i tētahi wātaka poto ake mō ngā pōtitanga māngai ākonga me ngā pōtitanga motuhake.

He aha ai:

I rongo mātau i roto i ngā whakawhitihiti kōrero me whakahaeere ngā pōtitanga motuhake o ngā ākonga me ngā kaimahi, otirā mēnā kāore e mate ki te whakamahi i te pūnaha mēra mō ngā pōtitanga motuhake o ngā ākonga me ngā kaimahi.

E marohi ana Ngā Waeture i tētahi wātaka kotahi marama mō ēnei pōtitanga. Kei te nui tonu tēnei wā hei whiriwhiri kōharitanga me te whiriwhiri me pōti mō wai.

Me pēhea te tirotiro i tēnei i roto i ngā waeture:

Kei roto i te Wāhanga Schedule 3 ko te wātaka e marohitia ana mō ngā pōtitanga motuhake o ngā ākonga me ngā mātua

Pātai:

Ki ū whakaaro he nui te wā e marohitia ana e te wātaka hōu mō ia wāhanga o te tukanga? He huringa anō āu ka whakaurua mai e koe ki te wātaka?

Te tuku whakahokinga kōrero

Kaupapa o ū whakaaro

Kia ora mō te pānui haere ki konei. Mā ū whakaaro ka taea e mātau te whakarerekē ngā kupu e hiahiatia ana ki Ngā Waeture o ngā pōtitanga poari kura.

Kia mōhio koe, ka noho matatapu ngā whakaaro ka tukuna mai e koe ki te hunga e tātari ana i ngā raraunga whakawhitihiti kōrero. Kāore e whakaatuna e mātau ko wai ngā tāngata i roto i te tātari whakamutunga me ngā pūrongo engari anō mēnā ka whakaae mai koe. Heoi, ka taka pea ngā tāpaetanga kōrero, tae atu ki ngā ingoa o ngā kaitāpae, me ngā tuhinga e pā ana ki te tukanga whakawhitihiti kōrero ki raro i tētahi tono Ture Mōhiohio Ōkawa 1982.

Me pēhea te tuku mai i ū whakaaro

Ka kati ngā tāpaetanga kōrero hei te Paraire 18 o Maehe 2022. Ka taea e koe te tuku tāpaetanga kōrero mā te whakakī i te puka tuihono i consultation.education.govt.nz, īmēra mai ki legislation.consultation@education.govt.nz, me tuhi mai rānei ki:

Education Consultation
Te Tāhuhu o Te Mātauranga
Pouaka Poutāpeta / PO Box 1666
Te Whanganui-a-Tara / Wellington 6140

Aotearoa

Mēnā he pātai āu mō te tuku i tētahi tāpaetanga kōrero, kei te hiahia mōhiohio atu anō rānei, īmēra atu ki legislation.consultation@education.govt.nz.

Ētahi atu kōrero

Ka taea e koe te pānui ngā waeture hukihuki i conversation.education.govt.nz me te pepa a te Rūnanga Matua i tukuna mai i education.govt.nz.

E wātea ana ngā Pātai me Ngā Whakautu me ngā mōhiohio mō ngā Awheawhe Tuihono e heke iho e wātea ana i education.govt.nz

Tēnā rawa atu koe, ngā manaakitanga ki a koe.